

Bahan asal dari Arkib  
Negara Malaysia

# Harapan Tun Hussein, terus usaha pupuk perpaduan

**KUALA LUMPUR, Rabu** — Bekas Perdana Menteri Tun Hussein Onn menyeru parti-parti komponen Barisan Nasional meningkatkan usaha, berganding bahu bersama kerajaan baru pimpinan Datuk Seri Dr. Mahathir Mohamad memupuk perpaduan di kalangan rakyat di negara ini.

"Sumbangan semua pihak perlu bagi menjamin masa depan yang makmur bukan saja di bidang ekonomi tetapi dalam segala bentuk ke arah mencapai perpaduan," katanya berucap di majlis mengucapkan terima kasih kepada beliau anjuran MCA di sini malam ini.

Pemimpin-pemimpin BN termasuk Perdana Menteri, Datuk Seri Dr. Mahathir Mohamad, Timbalan Perdana Menteri, Datuk Musa Hitam, bekas Perdana Menteri, Tunku Abdul Rahman dan menteri-menteri kabinet hadir di majlis tersebut.

Datuk Hussein melahirkan harapannya usaha-usaha memupuk perpaduan dilakukan oleh pemimpin terdahulu diteruskan.

Menurutnya, beliau sendiri ketika mengambil alih teraju pimpinan negara dalam tahun 1976 berjanji menyempurnakan tanggungjawab itu dengan jujur dan ikhlas.